



HIMAGSIK

Rebolusyonaryong Pahayagan ng Gitnang Luzon

Taon XXIX

ESPESYAL NA ISYU

Hulyo 10, 2003

PNP, Dinisarmahan sa Zambales!

Sa isang operasyong komando na tumagal lamang ng ilang minuto, matagumpay na dinisarmahan nang walang putok ng isang 12-kataong yunit ng Bagong Hukbong Bayan ang anim-kataong badigard ni Gobernador Vicente Magsaysay ng Zambales. Kabilang sa kanyang badigard ang tatlong elemento ng Philippine National Police (PNP). Nangyari ito nang gabi ng Mayo 25, 2003 sa *resthouse* ng gobernador sa Iba, Zambales.

Sa labis na pagkabigla, hindi nakapalag ang mga pulis na walang

nagawa kundi isurender ang mga baril. Nakumpiska sa kanila ang isang masinggan (M-60), dalawang M-14, isang M203, dalawang *baby armalite*, apat na pistola, apat na *tranceiver*, isang *radio base*, isang *camera*, pitong *cell phone* at sari-saring klase ng bala.



Mabilis at ligtas na nakaatras ang mga Pulang mandirigma matapos ang operasyon. Ang matagumpay na taktikal na opensiba ng BHB ay nailunsad dahil sa matatag na paglahok at suporta ng masa sa lugar. *H*

Zambales Governor, binigyan ng babala

Mahigpit na pinabulaanan ni Jose Agtalon, tagapagsalita ng Bagong Hukbong Bayan-Gitnang Luzon, ang naunang balita sa midya noong Hunyo 18 na si Zambales Governor Vicente Magsaysay ay dinukot at ipinatutubos ng New People's Army. Ang inilabas na balita, aniya pa, ay pawang kasinungalingan at malisyoso.

Ang nasabing gobernador ay tinangay ng mga Pulang Mandirigma matapos ang isang matagumpay na pagdis-arma sa kanyang mga badigard at *private army*. Ang pagkakasama sa kanya ay hindi upang siya ay kidnapin at ipatubos kundi upang papanagutin sa mga kasong isinampa sa kanya. Binigyan siya ng babala ng mga kasama batay sa mga reklamo ng pang-aabuso at pagsasamantala sa mga magsasaka at trabahador niya. Pagkatapos noon ay pinakawalan din siya.

Dagdag na nilinaw ng Jose Agtalon, na ang mga katulad ni Gobernador Magsaysay sampu ng kanyang minimintinang *private army* na mga elemento ng pulisya ay lehitimong target ng mga operasyon ng New People's Army. Inilina din na ang PKP, BHB at NDF ay di kailanman sumasangkot sa mga kriminal na aktibidad para makalikom ng panustos at pondo. *H*

IBA PANG
LAMAM NG ISYU
NGAYON

pahina 2-3
*Parangal kina
Ka Cezar at
Ka Fidel

pahina 3, 4
*Ambus sa Zambales
*Enkawnter sa Bataan
*Enkawnter sa
Pampanga

pahina 4, 5, 6
*Durugin ang
bandidong RHB!
*3 RHB, nilitis ng
hukumang bayan

Ka Cezar at Ka Fidel, mga bayani ng masa at rebolusyon

Bilang parangal sa lahat ng mga kasamang martir sa Gitnang Luzon (GL), inilalathala ng **Himagsik** ang pagpupugay ng buong organisasyon ng Partido Komunista ng Pilipinas (PKP) at Bagong Hukbong Bayan (BHB) sa Gitnang Luzon para kina Kasamang Cezar at Kasamang Fidel. Ang kanilang kabayanihan ang magsisilbing inspirasyon ng mga kasama para mapangibabawan ang konserbatismong militar sa rehiyon. Gayundin, ang kanilang alaala ay magsisilbing maningning na halimbawa ng pagsuong sa kahirapan at kamatayan para paglingkuran ang sambayanan.

Si Ka Cezar ay namatay sa ospital nitong Hunyo 27 dulot ng mga kumplikasyon ng malubhang tama sa labanan. Si Ka Fidel naman ay tinortyur at sinalvage ng mga kaaway ilang araw matapos siyang mahuli noong Marso 31.

Ka Cezar (Halaw sa parangal na inilabas ng Komiteng Rehiyon-PKP GL at BHB-GL.)

Tinamaan si Ka Cesar sa ulo habang nasa aktong nagkiklining ng armas ng kaaway sa ambus na inilunsad ng isang yunit gerilya ng BHB sa Sitio Itangliw, San Rafael, San Marcelino, Zambales nitong Hunyo 17. Sa tindi ng tama ay inakala ng mga kasama na patay na si Ka Cesar; inasikaso at iniatras nila ang dalawa pang sugatang kasama habang nakikipagputukan pa rin sa kaaway. Naiwan sa site ng ambus si Ka Cesar. Kahit duguan at mahinang-mahina, hindi kailanman pumasok sa kanyang isip na sumuko sa kaaway. Nagawa niyang makalayo hanggang sa makuha at masalo ng masa at mga kasama. Ginawa ng masa at mga kasama ang lahat-lahat para siya ay mailigtas ngunit sa ospital ay tuluyan na siyang binawian ng buhay.

Ilang buwan pa lamang ang nakakaraan, si Ka Cesar at isa pang kasama ay naaresto ng kaaway sa Dingalan. Pilit siyang isinama sa operasyon para hanapin ang yunit na kinabibilangan ngunit iniligaw niya ang kaaway. Nang makakuha siya ng mahusay na tyempo ay tumakbo at tuluyang tumakas. Akala tuloy ng ibang kasama ay sinalvage na siya ng kaaway. Pagkatakas, direktso siyang muli sa yunit.

Si Ka Cesar ay mula sa pamilyang uring manggagawang bukid. Sa Negros, nakatira sila sa loob ng asyenda ng panginoong maylupa. Kaya sa murang gulang ay bantad siya sa kahirapan at pagsasamantala ng mga kaaway sa uri. Nagpunta sa Luzon, naging manggagawang sahurang si Ka Cesar. Sumapi siya sa unyon at naging lider manggagawa. Dito na siya narekrut bilang kasapi ng Partido. Pumaloob sa lokal na sangay hanggang sa magpultaym at maging mandirigma ng BHB noong unang kwarto ng taong


2001.

Si Ka Cesar ay Pampulitikang Instruktor ng isang platoon ng BHB sa GL. Kahit iisang taon pa lamang siya noong nakasampa, binigyan siya ng Partido ng ganito kalaking responsibilidad dahil sa kanyang kasigasigan at kasipagan na palatandaan ng mataas niyang kamulatan. Malakas ang kanyang inisyatiba, parating nangunguna sa trabaho, maging ang mga ito ay gawaing ordinaryo at teknikal tulad ng paghahakot at pagbubuhay. Malumanay siyang magsalita pero sinusunod ng mga kasama dahil lagi siyang nagpapakita ng mahusay na halimbawa sa iba. Nasa kanya ang pinakamabubuting katangian ng isang rebolusyonaryong nagmula sa uring manggagawa — disiplinado, sistematiko, walang takot sa kahirapan at mapanghikayat. Mahusay niyang ginampanan ang pagiging giyang pampulitika at instruktur pampulitika ng yunit.

Ka Fidel (Halaw sa pahayag ng Panlalawigang Komite ng Partido, PKP-Bulacan at sulat ng asawa ni Ka Fidel.)

Bakas na bakas sa bangkay ni Jose Manabat, kilala sa tawag na Ka Fidel, Egay at Raul, ang makahayop na pagmamalupit ng mga halimaw na kaaway. Pinakamariing pagkundera ang ipinapahayag ng buong rebolusyonaryong kilusan sa karumal-dumal na pagdukot, pagtortyur at pagpaslang kay Ka Fidel. Sisingilin, papanagutin at pagbabayaran natin ng mahal ang mga may kagagawang berdugo at unipormadong kriminal na kabilang sa 305th/306th PMG, PNP, 56th IB ng PA/AFP.

Dinukot si Ka Fidel ng di bababa sa sampu-kataong mga tauhan ng Intelligence unit ng PNP-Bulacan noong Marso 31 sa harap ng munisipyo ng Norzagaray, Bulacan. Inamin mismo ni Supt. Felizardo Serapio, Bulacan Police Director ang pag-aresto nila kay Ka Fidel dahil isa



Mahigit 10 kaaway, patay sa Zambales

Hinaras ng isang yunit ng BHB noong Hunyo 16 ang laking platung detachment ng kaaway sa Sitio Itangliw, San Rafael, San Marcelino, Zambales. Limang Army ng 24th IB ang nagsisilbing superbisor ng mahigit 20 kataong CAFGU sa naturang himpilan. Isang Army ang kagyat na namatay samantalang sugatan ang apat na militar.

Gumanti ng putok ang mga CAFGU pero nakaatras pa rin ang mga kasama nang walang *casualty*. Humingi rin ng saklolo ang mga kaaway sa *headquarters* ng 24th IB.

Ang nabanggit na detachment ay mas mataas kaysa kalsada at napalilibutan ng bahayan ng masa. Sinadya nila ang ganitong pagkakampo para makaiwas sa atake ng BHB. Mali sila r ito!

Kinabukasan, tinambangan naman ng mga Pulang Mandirigma ang mga kaaway na tumutugis sa kanila. Tanyag mahigit 10 ang namatay sa panig ng kaaway.

Samantala, tatlong kasama ang nasugatan sa nabanggit na labanan. Kabilang dito si Ka Cezar na malubhang tinamaan at namatay makalipas ang 10 araw. (Tingnan ang kaugnay ng artikulo.) *H*

dumano ito sa mga NPA na nakasagupa ng PNP-AFP sa engkwentro noong Marso 29. Kinalaunan ay itinanggi na ng PNP ang pag-aresto sa kanya.

Tiyak na wala silang mapigang anumang impormasyon kay Ka Fidel sa kabila ng matinding pagpapahirap at pagtortur sa kanya, kaya siya ay tuluyang pinatay ng mga berdugong pulisya't militar. Mistulang sa kanya lahat ibinunton ng mga teroristang ito ang desperasyon at demoralisasyon ng mga duwag na kaaway gawa ng sunud-sunod na pagkatalo sa pakikipaglaban sa magiging nating Bagong Hukbong Bayan. Sa gayong sitwasyon lamang sila matatapang, kung ang kaharap ay mga walang laban o sibilyan!

Ipinakita ni Ka Fidel ang tatag at paninindigang rebolusyonaryo sa gitna ng matinding hirap hanggang pag-aalay ng buhay.

Galing sa uring petiburgesya si Ka Fidel. Nag-umpisa siyang kumilos sa rebolusyonaryong kilusan noong 1994 bilang part time na organisador sa baryo. 1995, nang magpahayag siya ng pagpu-pultaym bilang hukbo. Sa panahon ng kanyang pagiging hukbo, ginampanan niya ng buong giting ang rebolusyonaryong gawain at mga tungkulin. Minahal siya ng masa sa eryang kanyang kinikilusan.

Si Ka Fidel ay halos isang dekadang naglingkod sa masang anakpawis. May panahong nagpahinga siya sa pagkilos na karaniwang ang pag-aasikaso sa problemang pampamilya ang nagiging dahilan. Ngunit sa kanyang pamamahinga ay hindi siya nahimok ninuman, maging ng mga kapamilya't malalapit na kaibigang sumuko o sumurender sa kaaway. Nitong huling taon ay patuloy siyang tumutulong sa ilang gawain bagama't siya't di armado. Si Ka Fidel ay isang *non-combatant* kaya walang saysay ang ipinagyayabang ng PNP at AFP sa midya na sila'y

nakadakilang ng isang mataas na kumander ng BHB. Tiyak na dinukot nila si Ka Fidel para pigain sa kanya ang anumang impormasyong alam niya hinggil sa kilusang gerilya ngunit nagkamali sila ng kalkulasyon sa paninindigan ni Ka Fidel, kaya sila'y nabigo!

Pinakatampok na kabiguan at pagkatalong ipinalasap ng ating Pulang Hukbo sa harap ng pasistang kaaway ay ang naganap na maghapon labanan sa hangganan ng Angat-Pandi noong Marso 29, ika-34 na anibersaryo ng BHB. Sadyang nag-imbata pa ng broadcast media ang PNP-AFP para ma-live coverage ang tiyak diumanong pagdurog nila sa isang platung pwersa ng NPA. Ngunit sa kabila ng kanilang superyor na dami at lakas-armas kabilang ang paggamit ng dalawang tangkeng APC ay napakalaking pinsala ang inabot nila sa maghapon labanan. Ilang matataas nilang upisyal ang nasawi kundiman ay mga sugatan. Nakakumpiska pa ang ating magiging na Pulang Mandirigma ng anim na ripleng armalayt at isang .45 pistola sa gitna ng labanan.

Napakalaking kawalan nina Ka Cesar at Ka Fidel sa Partido, sa hukbong bayan at sa sambayanan. Tunay na ang kanilang pagpanaw ay simbigat ng bundok. Lubos tayong nagdadalamhati sa kanilang pagkamatay. Gayunman, ang ating pighati ay dapat nating ibaling sa rebolusyonaryong kabayanihan. Magpakatatag tayo, masugid na tupdin ang rebolusyonaryong mga tungkulin at isulong ang adhikain ng demokrasya at sosyalismo hanggang sa tagumpay. Sa ganito lamang natin tunay na mapahahalagahan ang pinakamataas na sakripisyo ng pag-aalay ng buhay para sa sambayanan nina Ka Cesar, Ka Fidel at ng iba pa nating rebolusyonaryong martir. H

3 RHB, nilitis sa hukumang bayan

Dinakip ng yunit ng BHB ang tatlong tauhan ng bandidong “Rebolusyonaryong Hukbong Bayan” o RHB noong gabi ng Hunyo 11 sa Sitio Kabukiran ng Brgy Kalaylayan, Abucay, Bataan. Ang mga inaresto ay sina Dony Valencia alias Relly, 24 taong gulang na taga-Wawa, Abucay; Edwin Egay alias Lester, 19 taong gulang na taga-Gabon, Abucay at Dindo Diaz, 23 taong gulang na taga-Salian, Abucay. Nakumpiska sa kanila ang isang kalibre .45 pistola, isang 9mm Berreta at isang .38 pistolar at

dalawang *cellphones*.

Ang tatlo ay maayos na tinarato ng mga kasama bilang mga bihag habang nasa proseso ng imbestigasyon at paglilitis. Gayundin, sila’y sinekyur sa panganib nang mapalaban ang yunit na nag-*custody* sa kanila noong Hunyo 14. (Tingnan ang kaugnay na balita)

Matapos dinggin ang mga kasong isinampa sa kanila. Napatunayang walang sapat na batayan para parusahan sina Edwin Egay at Dindo Diaz. Pinalaya ang dalawa

at inentrega sa ama ni Edwin.

Samantala, iginawad kay Dony Valencia ang parusang kamatayan pagkatapos makumpirma ang anim na kaso ng pagpaslang at garapal na pangongotong sa mga mangingisda at magtatahong. Kabilang sa kanyang pinatay sina Jimmy Sanggalang ng Wawa, Abucay at Anu ng Hacienda, Mabatang. Kaagad namang ipinaalam ng mga kasama sa mga magulang nito ang pasya sa kanya at kung saan nila makukuha ang bangkay. *H*

Sa labanan sa Sasmuan, Pampanga

Braganza, nagsinungaling na naman

Naglubid na naman ng kasinungalingan si Maj. Gen. Alberto Braganza, *chief* ng 7th Infantry Division ng Philippine Army, upang pagtakpan ang kapalpakan ng kanilang pinakahuling operasyong militar sa Pampanga at ang pinsalang naidulot nito sa mamamayan.

Ayon sa pahayag ng Komite ng Larangang Gerilya ng Partido Komunista ng Pilipinas at Pamatnugutan sa Operasyon ng Bagong Hukbong Bayan ng Kanlurang Bulakan-Pampanga, totoong napalaban ang 15-kataong yunit ng BHB sa mga kaaway sa Batang II, Sasmuan, Pampanga nitong Hulyo 4 pero hindi totoong 15 NPA ang napatay. Hindi rin totoong bangkay ng dalawang NPA ang naiwan sa labanan. Dalawang sundalo ang namatay sa panig ng kaaway. Samantala, isang mangingisda at hindi NPA ang pinatay ng mga sundalo.

Namamahinga ang mga kasama sa Batang II matapos na matagumpay na durugin ang isang pangkat ng mga bandidong “Rebolusyonaryong Hukbong Bayan” o RHB. (Tingnan ang kaugnay na balita.). Pasado 5:30 ng hapon, biglang sumalakay ang mahigit 80 tropa ng

79th IB at pulis sakay ng anim na malalaking bangka at dalawang helikopter. Nasa bentaheng posisyon ang mga kasama at una silang nakapagpaputok. Nagtakbuhan paatras ang kaaway at naiwan ang dalawang bangkay ng sundalo na nakabulagta sa pilapil ng palaisdaan.

Kahit ang masingsan mula sa dalawang helikopter ay hindi naging epektibo dahil sa malapit lang ang distansya ng labanan ng dalawang panig. Walang nagalusan ni isang mandirigma ng hukbong bayan sa halos isang oras na labanan. Gayunman, isang kasama ang natangay ng agos habang tumatawid sa ilog.

Ala-una nang madaling araw ng Hulyo 5, pinagbalingan at pinagbabaril ng mga militar at pulis ang tatlong mangingisdang sakay ng bangkang panudsod habang papauwi sa kanilang bahay. Napatay si Mauricio Miranda, 40 taong gulang, may asawa at limang anak na taga-Sapang Kawayan, Masantol, Pampanga. Kinulimbat ang kanilang nahuling isda at ang nawasak na bangka ay hinila tungo sa baybayin ng Bataan upang itago sa midya. *H*

(Durugin ang RHB... mula sa pahina 7)

Mananagot ang mga salarin sa mga kasalanang kanilang ginagawa sa mamamayan at rebolusyonaryong kilusan. Darating ang panahon ng paniningil at paggawad ng rebolusyonaryong hustisya. Hinihikayat ang mga nalinlang sa

kanilang hanay na tigilan na ang pagsangkot sa mga kriminal na gawain at umalis na sa pangkat na ito. Binibigyan ng huling babala ang mga talamak na elemento ng RHB na magwasto at magpanibagong buhay habang hindi pa huli ang lahat.

Komite ng Larangang Gerilya
Partido Komunista ng Pilipinas
Kanlurang Bulakan-Pampanga

Pamatnugutan sa Operasyon
Bagong Hukbong Bayan
Kanlurang Bulakan-Pampanga
H

(Durugin ang RHB.... mula sa pahina 8)

hepe ng barangay-tanod sa naturang barangay at sa kanyang asawa, at malubhang nasugatan ang bunsong anak.

Sa Bahagi ng San Luis Pampanga, kung saan nagsisikap ang RHB na makapagpalawak ng lugar na mapagkukutaan, katulong nila ang isang kilalang impormer ng militar at pulis sa paghahanap ng matutuluyan.

Dahil sa bandidong katangian ng RHB, kinamumuhian at hindi sila tinatangkilik ng masa. Nakakairal lamang sila sa mga lugar na pansamantalang nabitiwan o di pa naaabot ng rebolusyonaryong kilusan dahil nagagawa pa nilang takutin at linlangin ang mamamayan. Ngunit kapag naaabot na ang gawaing pag-oorganisa ng NPA, nawawala ang takot at naitataboy ng mamamayan ang bandidong pangkat.

Ang RHB ay kasangkapan ng guberno sa paglaban sa rebolusyonaryong kilusan

Alam ng lahat na ang rebolusyonaryong kilusan ay nakapagpanibagong-lakas mula sa nakaraang paglihis, pagkakamali at natamong mga pinsala. Sa buong bansa, halos, naaabot na nito ang rurok ng lakas na inabot nito noong 1986. Dahil sa gayong pagsulong, natataranta ang gubyernong Arroyo, ang imperyalismong US at ang buong naghaharing sistema sa kakayahang makapagpanumbalik at makapagpalakas ng rebolusyonaryong kilusan.

Nasa krisis ng ekonomya ng bansa at bangkrap ang kabang-yaman ng gubyernong Arroyo. Kulang na kulang ito ng panustos sa inilulunsad na todong gyera para harapin ang rebolusyonaryong kilusan. Kaya para makatipid, ginagamit nito ang CAFGU, mga grupong vigilante, at kinakandili ang iba pang armadong grupo tulad ng RHB, RPA-ABB ("Revolutionary Proletarian Army-Alex Boncayao Brigade"), HMB ("Hukbong Mapagpalaya ng Bayan"), RGA ("Rebolusyonaryong Gerilya ng Arayat") at AMMMA. Liban sa Cafgu na tuwirang hawak ng militar, ang iba pang armadong grupo ay hawak na ng mga intelligence units ng PNP at AFP at ginagamit sa gawaing kriminal bukod pa sa paglaban nito sa NPA at buong rebolusyonaryong kilusan.

Kung ihahambing sa ibang armadong grupo, espesyal ang papel na ginagampanan ng RHB. Bahagi sila ng buong *psychological warfare* o psywar ng pamahalaan laban sa mamamayan. Nagpapanggap ang RHB bilang rebolusyonaryo at kunwari ay kalaban din sila ng guberno para lituhin at linlangin ang mamamayan upang mailayo sila sa rebolusyonaryong kilusan. Kaya, mapapansin na hinahayaan lamang ng pamahalaan na umiral ang RHB dito sa ating lugar. Sa

maraming pagkakataon, sa lantaran at di lantarang paraan, nagtutulungan sila ng guberno laban sa NPA.

Malalim na nakabaon ang mga ahente ng pulisya at militar sa organisasyon ng RHB at sa partido nitong MLPP. Nakikipag-ugnayan ang pamunuan nito kay Gen. Victor Corpuz, ang hepe ng ISAFP (Intelligence Service of the Armed Forces of the Philippines) sa pamamagitan ni Romulo Kintanar noong ito ay nabubuhay pa. Marami din sa mga kasapiang nito ay kung ilang beses na sumuko sa kaaway pero aktibo pa rin sa organisasyon. Mapapansin din na ang karamihan sa kanilang ginagamit at kinakatulong sa baryo ay yaong may masasamang rekord ng pagkatao at impormer ng pulis at militar.

Durugin ang bandidong pangkat, parusahan ang mga pangunahing salarin!

Mahaba na ang rekord ng krimen ng bandidong RHB. Di na mabilang ang kanilang kasalanan sa rebolusyonaryong kilusan at mamamayan. Pinakahuli dito ay ang ginawa nitong pananambang sa isang ikswad ng NPA na ikinasawi ng dalawang kasama at ang pagpaslang sa dalawang mangingisda sa Consuelo, Macabebe, Pampanga. Kailangan nang wakasan ang kanilang pananalasa sa mamamayan at pananabotahe sa rebolusyonaryong kilusan.

Ang ginawang pagdurog ng NPA sa pangkat ng RHB sa Mabuanbuan ay bahagi lamang ng serye ng mga taktikal na opensiba upang mawakasan na ang kanilang pag-iral sa latian ng Pampanga. Subalit magagawa ito sa pamamagitan lamang ng mga aksyong militar. Kailangan ang paglahok ng mamamayan upang ganap na malansag at maitaboy sila sa ating lugar.

Tulad ng ginagawa natin sa pulisya at militar, pagkaitan natin ng suporta ang RHB. Ipakita sa kanila na hindi natin kailangan ang isang pekeng rebolusyonaryo para maging matiwasay at tahimik ang ating pamayanan. Sa iba't ibang paraan, ipakita natin ang ating pagkamuhi sa kriminal at bandidong pangkat na ito.

Hindi rin magtatagumpay ang mga aksyong militar ng NPA laban sa RHB kung walang suporta ang mamamayan. Hindi madudurog ang bandidong pangkat kung wala ang mga napapanahon at eksaktong impormasyon na ipinapasa sa mga kasama. Kaya, kung may namataang RHB, agad itong ipaabot sa yunit ng NPA na malapit sa inyong lugar. (Sundan sa pahina 4)

**Bahagi ang RHB
ng buong *psy-
chological war-
fare* o psywar
ng pamahalaan
laban sa
mamamayan.**

Durugin ang Bandidong RHB!

Parusahan ang mga Pangunahing Salarin!

Dinurog ng NPA (New People's Army o Bagong Hukbong Bayan) ang isang pangkat ng bandidong "Rebolusyonaryong Hukbong Bayan" o RHB sa Mabuanbuan, Sasmuan, Pampanga nitong gabi ng Hunyo 20. Sa naturang labanan, apat na bandido ang napatay, dalawa ang sugatan at ang iba pa ay nangaripas sa pagtakbo para makatakas. Samantala, walang anumang natamong pinsala ang yunit ng Bagong Hukbong Bayan. Nakakumpiska pa ang mga ito ng mga bala at baril, bangka, radyo at iba pang kagamitang militar.

Ang aksyong militar na inilunsad ng BHB ay tugon sa malawak na kahilingan ng masa na lansagin at parusahan ang bandidong pangkat na ito. Suklam na suklam na ang mamamayan sa kanilang pamamaslang, pananakot, pangingikil, pandarambong, panlulusob ng palaisdaan at iba pang kriminal na gawain. Ito rin ang patunay sa kakayahan ng hukbong bayang harapin ang anumang sandatahang pangkat na pumipinsala sa mamamayan. Bilang na ang araw ng bandidong RHB. Marami nang lumalapit sa NPA upang makipagtulungan para ganap nang mawakasan ang kriminal na gawain ng pangkat na ito. Di na magtatagal, sa tulong ng mga mamamayan, lalasapin nito ang pamatay na hambalos mula sa Bagong Hukbong Bayan

Ang RHB ay isang huwad na rebolusyonaryo at bandidong pangkat

Ang "Rebolusyonaryong Hukbong Bayan" at ang binansagang "Marxista-Leninistang Partido ng Pilipinas" (MLPP) ay organisasyon na huwad na rebolusyonaryo at pangkat ng mga kinamumuhang bandido. Ang namumuno sa kanila ay mga taong bulok na itiniwalag ng rebolusyonaryong kilusan sa Central Luzon noong 1997. Sila yaong mga ayaw magwasto, tagapagtaguyod ng mali at mapaminsalang programa at patakaran, mulat na lumalabag at lumalaban sa prinsipyo, tuntunin, disiplina ng organisasyon ng Partido at ng Hukbong Bayan, mga talamak na lasenggo, sangkot sa kalunyaan at sa iba pang imoral na gawain. Noong sila'y nasa loob pa, nalugmok ang rebolusyonaryong kilusan sa mga pagkakamali at malalaking pinsala dahil sa kanilang panggugulo. Laking pasasalamat ng lahat nang maisuka sila sa labas ng organisasyon dahil nagbunga ito ng muling paglakas ng Partido at Hukbo at ng lahatang-panig na pagsulong ng rebolusyon sa rehiyon.

Ang RHB ay nagpapanggap na rebolusyonaryo upang linlangin at lituhin ang mamamayan at ilihis ang kanilang pakikibaka sa tunay na landas ng rebolusyon. Umaasta at umuusal-usal sila ng mga rebolusyonaryong teorya at prinsipyo pero trabaho ng isang sindikatang kriminal ang kanilang tunay na ginagawa. Di na mabilang ang reklamo ng mamamayan sa kanilang pamamaslang, pananakot, pangungulimbat, pangongotong, panlulusob ng palaisdaan at iba pang kriminal na gawain.

Karamihan din sa kanilang kasapi at mga sinasaligang tao sa baryo ay mga kilalang barumbado, impormer ng pulis, at sangkot sa iba't ibang krimen. May ilan din sa kanilang hanay na kilalang maluwag ang turnilyo sa ulo.

Ilan sa halimbawa ng nabanggit sa itaas ay ang magkapatid na Baldo at Andres "Yoyong" Melo ng Consuelo, Macabebe, Pampanga. Si Baldo na may alyas na Sedillo sa loob ng RHB ay kung ilang beses nang nagkunwaring sumuko at nakikipag-ugnayan sa

pulisya. Kilala din siya na may kaunting luwag ang turnilyo sa ulo. Si Yoyong naman na kilalang kilabot na sanggano at matagal nang asset ng pulis-Masantol ay labas-masok sa yunit ng RHB. Si Baldo ay kasama sa ambus ng RHB laban sa isang pangkat ng NPA noong gabi ng Mayo 17, 2003. Kinabukasan ng tanghali, si Yoyong naman ang kasama ng pulis-Masantol sa pagpaslang sa dalawang kabataang mangingisda sa isang kubo sa baryo Consuelo. Ayon sa mga nakakita, si Yoyong mismo ang pumatay sa dalawang

namamahingang mangingisda. Kitang-kita sa kasong ito ang lantarang pagtutulungan ng RHB at PNP laban sa NPA at sa mamamayan.

Sa Balayong, Malolos, Bulacan, mga inaasahang pwersa ng RHB ang magkapatid na Jonjon at Monjo Espique. Si Monjo ay kilalang sanggano, mamamatay-tao, protektor ng sindikato ng droga, at asset ng CIDG (Criminal Investigation and Detection Group) ng PNP. Si Monjo at ang kanyang pangkat ang pumaslang sa

(sundan sa pahina 7)